

Comunicado di AVP:

Prome minister Mike Eman ta acepta premio prestigioso na ACEC New York

ORANJESTAD - Sam Schwartz Engineering (SSE) a informa cu prome minister di Aruba, Mike Eman a bishita New York e siman aki pa acepta e ACEC New York Diamond Award den categoria di proyectonan special. SSE y prome minister Eman lo celebra e exito di e proyecto ganado, e Tram di Aruba, na e ACEC New York Gala riba diasabra dia 29 di maart 2014. Un esfuerso berdaderamente unico: Aruba Tram ta un streetcar cu ta core riba su propio forsa entre e terminal crucero y caya principal di capital di Aruba, semper bay yena cu tanto turista como local nan. Riba e ruta di 2.6 kilometer e tram ta



haci varios stop, na plasanan unda hende ta yega hunto brindando e calor humano y cariño di Aruba. E proyecto Tram Aruba actualmente ta wordo ehecuta pa e Green Trolley y e Blue Trolley. E Green Trolley ta core solamente riba bateria cu

ta wordo gecharge anochi despues di ocho ora di servicio. Prome minister Eman a habri caminda pa colaboracion entre gobierno di Aruba y SSE y asina a traha riba e proyecto como un solucion pa un centro di ciudad cu tabata decayendo memey

di un recesion economico. Un compania cu ta diseña streetcar cu ta percura pa nan propio coriente a traha e vehiculonan cu ta core sin mester haci uzo di waya di coriente, pero cu ta haya nan coriente di bateria y "hydrogen fuel cells". SSE a traha riba e ruta, a inspecciona e instalacion, a yuda prepara e proyecto, a bishita e planta y a test e streetcarnan. Aruba kier bira e lider den energia sostenibel y desaroyo den nacionnan den Caribe. Gobierno ta explorando formanan con implementa fuentenan di energia renoba, pa asina no ta depende mas di combustibel fossiel. E Tram di Aruba ta car-

acterisa un diseño ingenioso den curason di e pais.

ALGUN INFORMACION DI SAM SCHWARTZ ENGINEERING, DPC

Sam Schwartz Engineering ta specialisa den desaroya solucionnan sensitivo pa transporte pa gobiernonan, sector priva, clientenan comunitario, not-for-profit, regional, nacional y den exterior. Pa medio di nan experticio tecnico, visionnan creativo y enfoke con yega na consenso, SSE ta trata na balansa e necesidadnan pa mehora e calidad di bida di tur usuario, incluyendo e chauffeurnan, esunnan na pia, den transito y ciclista. □